

Verbâl de riunion dal Comitât Diretîf dai 26 di Zenâr dal 2018

Clamât adun cun letare dai 9 di Zenâr dal 2018, prot. nr. 05/18, vinars ai 26 di Zenâr dal 2018 aes cuatri e mieze sore sere si à dât dongje a Udin, te sede di Vie Manin 18, il Comitât Diretîf de Societât Filologjiche Furlane par discuti dal ordin dal dì metût ca sot:

1. Leture e aprovazion dal verbâl de volte prime;
2. Comunicazion dal President;
3. Belanç consuntîf 2017 e belanç preventîf 2018: relazions pal contribût regjonâl;
4. Variis se a ônd è.

Ae clamade dal President Vicario a rispuindin i conseîrs:

Alberta Bulfon, Vittorina Carlon, Carlo del Torre, Pierino Donada, Giovanni Frau, Roberto Frisano, Adriana Janežil', Anna Madriz, Renzo Medeossi, Gottardo Mitri, Lorenzo Pelizzo, Claudio Petris, Giuliana Pugnetti, Carlo Venuti, Celestino Vezzi.

Si son justificâts:

Pier Carlo Begotti, Silvio Moro, Gianni Sergio Pascoli, Paolo Pastres, Claudio Romanzin, Pier Giorgio Sclipa, Odorico Serena.

No son:

Donatella Cozzi, Stefano Morandini.

La riunion e je valide pe leç e pal Statût.

Al è nomenât Segretari Feliciano Medeot, Diretôr de Societât.

Pont n. 1 dal o.d.d.:

Leture e aprovazion dal verbâl de volte prime.

Il Comitât Diretîf al fâs bon a la unanimitât il verbâl de riunion dai 6 di Otubar dal 2017.

Pont n. 2 dal o.d.d.:

Comunicazions dal President.

Il President:

- al ricuarde il prof. Eraldo Sgubin, che al è mancjât cualchi setemane indaûr;
- al informe il Comitât Diretîf che e je in firme une convenzion trienâl cu la Fondazion Friuli par dâ continuitât e garantî il supuart de Fondazion ae Filologjiche.

Pont n. 3 dal o.d.d.:

Belanç consuntîf 2017 e belanç preventîf 2018: relazions pal contribût regjonâl.

Il President Vicario al presente al Comitât lis relazions dal Belanç consuntîf 2017 e preventîf 2018.

Il Tesorîr al presente i prospets dai Belançs consuntîf 2017 e preventîf 2018.

A intervegnin:

- Janehil' e Pelizzo a intervegnin cun riuart a la suspension de publicazion de pagjine *Marilenghe* sul *Messaggero Veneto*.

A chest riuart Venuti al propon di fâ bon un ordin dal dì par rimarcâ la impuartance de pagjine *Marilenghe*, no dome pe Filologjiche ma ancje e soledut pe presince de lenghe furlane su la stampe e domandâ al *Messaggero Veneto* di tornâ a publicâle.

La propueste e ven fate buine dal Comitât Diretîf.

- Pelizzo al domande informazions sul stât dai depuesits pai libris e pai magazins de Societât;
- Vezzi al domande informazions sul impat economic de *Setemane de Culture* sul bilanç de Societât;
- Janehil' e domande informazions sul andament dai contribûts dai ents locâi;
- Mitri al domande sclariments riuart a lis cuotis e al numar dai socis.

A ducj ju intervents a rispuindin il President, il Tesorâr e il Diretôr.

Il President al met duncje ai vôtis la aprovazion des relazions e dai prospets di bilanç: il Comitât Diretîf al fâs bogns ducj i documents, che a passin cussì a la Assemblee dai socis pe aprovazion definitive; tal stes timp al da mandât al Uffici di Presidence di prontâ la version definitive dai bilançs e de documentazion, mudant ce che al à di jessi gambiât in reson de documentazion aministrative che e je inmò daûr a rivâ.

Pont n. 4 dal o.d.d.:

Variis.

Nuie ce segnalâ.

Chest verbâl al ven fat bon dal Comitât Diretîf a la unanimitât.

La riunion si siere a lis 17.55.

Il segretari verbalizant

Feliciano Medeot